

八陣圖

桓温

訪古識其真尋源愛往跡恐君遺事節聊下南山石

八陣圖

杜甫

功蓋三分國名成八陣圖江流石不轉遺恨失吞吳

東坡志林僕嘗夢見人云是杜子美謂僕曰世人多誤會予八陣圖詩以為先主武侯欲與關羽復仇故恨不能滅吳非也我意本謂吳蜀唇齒之國不當相圖晉之所以能取蜀者以蜀有吞吳之意此為恨耳此理甚長子美死四百年而猶不忘詩區區自別其意真書生習氣耶

八陣

劉禹錫

道藏輯要

忠武侯集詩

李

皇集四

軒皇傳上畧蜀相運神機水落龍蛇出沙平鵝鶴飛波濤無動勢鱗甲避餘威會有知兵者臨流指是非

八陣積

蘇軾

平沙何茫茫髣髴見石絕縱橫滿江上歲歲沙水齧孔明死已久誰復辨行列神兵非學到自古不留訣至人已心悟後世徒妄說自從漢道衰蜂起盡奸傑英雄不相下禍難久連結驅民市無烟戰野江流血萬人賭一擲殺盡如沃雪不為久遠計草草常無法孔明最後起意欲掃羣孽崎嶇事節制隱忍久不決志大遂成迂歲月去如瞥六師紛未整一旦英氣歇唯餘八陣圖千古壯夔峽